

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

Emmerich, Georg Emmerich, Georg

Regiomonti, 1710

VD18 1310747X-001

§. XXVIII.

urn:nbn:de:gbv:45:1-8856

hæc præcipit: Also soll auch andere umständliche Erforschung
 geschehen/ wie der Verwundete oder Geschlagene die Zeit über/
 so er verwundet gewesen/ sich in Essen und Trincken und sonst
 still oder unruhig gehalten/ ob keine andere tödtliche Kranckheit
 darzu geschlagen? wie lang der Verstorbene nach dem Schlagen
 oder Verwunden gelebet habe &c. item §. 21. Mit allem Fleiß
 auffzeichnen/ an welchem Ort des Leibes oder Haupts und wie
 schwerlich der Entleibte verwundet gewesen: item die Länge und
 Tieffe der Wunden erkündigen &c. Conf. Bohn. de officio dupli-
 ci Medici p. 594. §. XXVIII.

Corn. Celsus de Medic. lib. 5. c. 26. § 6. n. 30. p. m. 284. ra-
 tiones subministrat, quare ætatis observatio & corporis & vitæ &
 temporis sit instituenda, quando dicit: *Quin etiam aliquid &*
ætas & corpus & vitæ propositum & anni tempus confert: Quia
facilius sanescit puer vel adolescens, quam senior, valens quam in-
firmus, neq; nimis tenuis neq; nimis plenus, quam si alterum ex his
est, integri habitus quam corrupti, exercitatus quam iners, sobrius
& temperans, quam Vino Veneriq; deditus. Opportunissimum
curationi tempus verum est, aut certè neq; fervens, neq; frigidum,
siquidem vulnera & nimius calor & nimium frigus infestant; ma-
ximè tamen horum varietas, ideog, perniciosissimus autumnus est.
 Et §. antecedenti 20: *Aliquid, inquit, etiam in vulneris genere*
figurâq; est. Nam pejus est, quod etiam collisum, quam quod tan-
tum discissum est, adeò ut acuto quoq; retuso telo vulnerari commo-
dus sit. Pejus etiam vulnus est, ex quo aliquid excisum est, ex
quo ve caro aliâ parte abscissa, aliâ dependet; pessima quæq; plaga
curva est, tutissima, que lineæ modo recta est. Quo deinde pro-
pius huic illve figura vulnus est, eò vel deterius vel tolerabilius est.
 Hæc etsi in vivo adhuc homine potissimum consideranda veni-
 unt, nil obstat, quo minus & Renunciationi de corpore occiso
 suo modo applicari possint. In nostro Casu Nomen & Patria oc-
 cisi ob meliorem dignotionem subjecti, ætas, ob floridam adhuc
 confi-

constitutionem corporis & sanguinis in ejusmodi ætate erant annotanda. Modus trucidationis, & quæ eum comitata ac infecta erant, quâ diæta, quibus remediis usus vel non usus fuerat occisus, quæ cura adhibita, quo in loco decumbens inventus & in quo statu repertus fuerit ager; hæc omnia necessario erant observanda, ut ex illis circumstantiis minor vel major lethalitas erui posset, quemadmodum & pro lethaliitate vel illethaliitate illa etiam in subsequentiis istius casus, nimirum ubi judicium erat ferendum, adducuntur & ex iisdem judicium fertur. Imò in subsequenti responso ampliss. Facult. Medic. Regiom. super hunc casum multæ circumstantiæ pro rationibus decidendi sunt assumptæ & approbatæ.

§. XXIX.

4. Curet Medicus inspectioni destinatus, ne ante adventum suum chirurgus initium inspectionis, impr. sectionis faciat, hoc ipso enim postea dubius redditur, an ita res sese ante sectionem habuerit, an incuriâ vel imperitiâ chirurgi demum facta sit, omnia quidem aptari & parari possunt, ipsa tamen sectio in præsentia Medici fiat. Sic in capitis contusione cranium mediante ferrâ non difficetur, antequam Medicus sit præsens; Vulnus enim & Plaga externa probe prius sunt inspicienda, imò latitudo longitudo & profunditas vulneris cautè sunt dimetienda. Sub dissectione caput ipsum non nimis quatiendum, aut si difficulter disseccari potest calvaria, superior ejus pars non nimis violento modo effringenda, præsertim ferro profundius intruso, ne internè lœdatur, quod ante læsum non fuit, aut sanguis extravasatus sub calvariâ vel menyngibus contentus alium locum petat, quam ante habuit. Uti ejusmodi errores observare jam contigit; Duos saltem casus nobis notos, non ita pridem factos in medium adducamus: Prior fuit noster inferius allegatus, ubi nimis violenter dillecta & effracta calvaria primò dubium commovit, an festuca vel frustulum acuminatum ossi sphenoidi ad-

D 2

herens

A

